

20 MAC 2018

Mr T mungkin dihukum gantung



Mr T mungkin dihukum gantung

■ Malaysian Iceman bersama tiga rakan didakwa edar Ice di mahkamah Thailand bakal dibicara dengan bukti kukuh

Bangkok

Seorang lelaki kelahiran Johor yang lebih dikenali dalam kalangan media Malaysia sebagai Mr T atau Malaysian Iceman mungkin menghadapi hukuman gantung kerana dikatakan terlibat dalam percubaan menyeludup masuk 282 kilogram (kg) Crystal Methamphetamine atau Ice ke Malaysia dua tahun lalu.

Tan Hun Seong dan tiga rakannya sudah didakwa di mahkamah Thailand mengikut Akta Mengenal Langkah-langkah Menyekat Pelesenan Berhubung Dadah 1991 dan Akta Narkotik 1979, yang selain memperuntukkan hukuman mati juga penjara seumur hidup.

Menurut dokumen mahkamah, Mr T, berambut putih dan berusia pertengahan 60-an, seorang lelaki Taiwan berusia 69-tahun dikenali sebagai Jimmy dan dua wanita Thailand akan dihadapkan ke mahkamah Jenayah Bangkok pada Mei depan.

Penangkapan Tan oleh sekumpulan pegawai polis bersenjata berat di Lapangan Terbang Hatyai yang sibuk



itu pada April tahun lalu mendapat liputan media yang meluas di Thailand dan Malaysia.

Pihak berkuasa mengesyaki Tan yang tinggal di Hatyai dan mempunyai seorang isteri Thai adalah seorang anggota kanan sindiket dadah antarabangsa yang mendapat sumber dadah dari Tiga Segi Emas melalui bahagian utara Thailand dan menyeludupkan

nya ke Malaysia.

Tan yang ditangkap di lapangan terbang itu sebaik saja pulang dari bahagian utara Thailand dalam satu urusan dadah, fasih berbahasa Thai dan mempunyai beberapa perniagaan di bandar sempadan selatan itu.

Penyasat mengetahui peranannya dalam sindiket itu berikutan penangkapan dua lagi lelaki Malaysia di Pusat Pemeriksaan Imigresen Sa-

dao pada Mac 2016, dekat sempadan Malaysia-Thailand bersama 282kg Ice yang hendak dibawa masuk ke negara jiran.

Dua lelaki Malaysia itu mengaku bersalah dan dihukum penjara seumur hidup oleh Mahkamah Jenayah Thailand.

Satu sumber berkata, Mr T tetap mengaku tidak bersalah dalam kes itu namun pihak berkuasa yakin dengan kes itu memandangkan tempoh siasatan yang begitu panjang.

Beliau berkata, lelaki Malaysia itu sudah melantik seorang peguam untuk membela dirinya.

"Semua (empat) suspek menafikan tuduhan itu, tetapi kami mempunyai bukti kukuh," kata beliau dan menambah tiga suspek yang lain itu menghadapi tuduhan dadah yang serupa seperti Tan.

Menurut sumber itu, Mr T dan tiga suspek itu mungkin menghadapi hukuman gantung jika didapati bersalah tetapi boleh mengelak hukuman mati dan memilih penjara seumur hidup jika mereka mengaku bersalah. -BERNAMA